

SA's Leading Past Year

Exam Paper Portal

S T U D Y

You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



**SA EXAM
PAPERS**



education

Department:
Education
REPUBLIC OF SOUTH AFRICA

**NATIONAL
SENIOR CERTIFICATE**

LIBANGA 12

SISWATI LULWIMI LWEKUCALA LWEKWENGETA (FAL)

LIPHEPHA LESIBILI (P2)

LWETI 2009

EMAMAKI: 70

SIKHATSI: 2 ema-awa

Leliphepha linemakhasi lali-15.

TICONDZISO

1. Fundza lelikhasi ngembikwekutsi ucale kuphendvula imibuto.
2. Ungalifundzi lonkhe liphepha lemibuto. Buka lokucuketfwe ekhasini lelilandzelako bese ubeka luphawu kulowo nalowo mbuto lobutwe ngetincwadzi lotifundze lonyaka. Emva kwaloko, fundza leyo mibuto lenetimphawu kuphela bese ukhetsa leyo lofuna kuphendvula yona.
3. Liphepha lemibuto licuketse tigaba LETINE:

SIGABA A: Inoveli	(35)
SIGABA B: Umdlalo	(35)
SIGABA C: Tinzaba letimfishane	(35)
SIGABA D: Tinkondlo	(35)
4. Landzela ticondziso ekucaleni kwaleso naleso sigaba.
5. Phendvula ngetincwadzi LETIMBILI lotifundze lonyaka. Phendvula munye umbuto kuyinye ngayinye incwadzi.
6. Tinombolo tetimphendvulo atihambisane naleto temibuto njengobe tinjalo ephepheni lemibuto.
7. Cala LESO NALESO sigaba ekhasini LELISHA.
8. Bhala ngesandla lesibonakalako nalesifundzekako.
9. Siphakamiso sekulawulwa kwesikhatsi singaba ngemaminithi langema-60 kuleyo naleyo ncwadzi.

LUHLA LWEKUTIKHUMBUTA:

Lelikhasi litawusita bahlolwa ekukhetseni imibuto LABAFUNA kuyiphendvula ngaphandle kwekufundza lonkhe leliphepha lemibuto.

SIGABA A: Inoveli		
<i>Phendvula NOBE NGUWUPHI UMBUTO UBE MUNYE.</i>		
INOMBOLO YEMBUTO	UMBUTO	EMAMAKI
1 (Sihloko senoveli yekucala)	Umbuto loyindzabambhalo	35
NOBE		
2 (Sihloko senoveli yekucala)	Imibuto lemifisha	35
NOBE		
SIGABA B: Umdlalo		
<i>Phendvula NOBE NGUWUPHI UMBUTO UBE MUNYE.</i>		
3. (Sihloko semdlalo wekucala)	Umbuto loyindzabambhalo	35
NOBE		
4 (Sihloko semdlalowekekucala)	Imibuto lemifisha	35
NOBE		
SIGABA C: Tinzaba Letimfisha		
<i>Phendvula NOBE NGUWUPHI UMBUTO UBE MUNYE.</i>		
5. (Sihloko sendzaba lemifisha yekucala)	Umbuto loyindzabambhalo	35
NOBE		
6. (Sihloko sendzaba lemifisha yesibili)	Imibuto lemifisha	35
NOBE		
SIGABA D: Tinkondlo		
<i>Phendvula NOBE NGIYIPHI IMIBUTO IBE MIBILI</i>		
7. (Sihloko senkondlo yekucala)	Imibuto lemifisha	17½
NOBE		
8. (Sihloko senkondlo yesibili)	Imibuto lemifisha	17½
NOBE		
9. (Sihloko senkondlo yesitsatfu)	Imibuto lemifisha	17½
NOBE		
10. (Sihloko senkondlo yesine)	Imibuto lemifisha	17½

SIGABA A: INOVELI

Khetsa umbuto ube MUNYE kulelandzelako uphendvule imibuto letawulandzela.

UMBUTO 1

KWASHA TIKHOTSA – LL Dlamini

Bhala indzabambhalo lenemagama langabi ngaphasi kwema-190 futsi angabi ngetulu kwalangema-240 uphawule ngengcikitsi yalenzaba.

[35]

NOBE

UMBUTO 2

KWASHA TIKHOTSA – LL Dlamini

Fundza lethekesthi bese uphendvula imibuto letawulandzela:

Imphi yaKazulu beyiphume njengebutimba itingele tinyamatane futsi ifune nemadlelo lamahle lapho kutawudla khona tinkhomo. Live belivinjetelwe somiso. Kwevakala Mswati amemeta inceku yakhe atsi, "Khambi! Khambi!" "Mlomo longatsetsi manga!" kusabela Khambi eta agijima. "Gijima uyewubita Mngayi naletinye tindvuna tami tiphelele lapha eLudzidzini. Uhlabe umkhosi watiso Tinyatsi kutsi atiphelele lapha khona emabombo atewubhekiswa eLubuya." Kusho Mswati akhombisa kungatinti kahle. Phela abephetfwe kabi kuva kutsi live lakhe leliseNingizimu liyatsatfwa. Wevakala atsi, "Live intfo yekufelwa, ngako-ke ngeke bakutfole kuphumula ngisho nome sengaba matsambo-mhlophe." Waphuma Khambi wenta njengobe iNgwenyama imtfumile. Uphuma Khambi nje kusemini yasekuseni. Kwatsi kushaya imini yantsambama wabe asawufezile umsebenzi wakhe. Yelashwa imphi njengalokwetayelekile. Yaphuma ntsambama.

2.1 Yini leyabangela kutsi imphi yaKazulu ingene endzaweni yaMswati?
(Khetsa yinye imphendvulo kuleti)

- A Beyihlasela Emaswati
- B Beyifuna emadlelo
- C Beyifuna tindlu

(1)

2.2 Nika ligama lenceku yaMswati.
(Khetsa yinye imphendvulo kuleti)

- A Mawewe
- B Khambi
- C Mngayi

(1)

2.3 Khambi kutsiwa akahlabe umkhosi nje kubitwa liphi libutfo.
(Khetsa yinye imphendvulo kuleti)

- A Tinyatsi
- B Ayewuhlola emadlelo etinkhomo
- C Ayewubita Tsandzile

(1)

- 2.4 Kungani Mswati abitwe ngekutsi ngu "Mlomo longatsetsimanga"?
(Khetsa yinye imphendvulo kuleti)
- A Unelunya
B Livi lakhe aliphikiswa
C Ukhuluma emaciniso (1)
- 2.5 Yini letfukutselise Mswati aze afune kuhlasela imphi yaKazulu?
(Khetsa yinye imphendvulo kuleti)
- A Live lakhe leliseNingizimu liyatsatfwa
B Masiphula wedzelela Tinyatsi
C Live belivinjetelwe somiso (1)
- 2.6 Condzanisa emagama laku KHOLOMU A netimphendvulo letiku KHOLOMU B.
- | KHOLOMU A | KHOLOMU B |
|-------------------|------------------------|
| 2.6.1 Masiphula | A Indlovukati |
| 2.6.2 Eludzidzini | B Libutfo laMswati |
| 2.6.3 Mngayi | C Uholo imphi yaKazulu |
| 2.6.4 Tsandzile | D Sigodlo saMswati |
| 2.6.5 INdlavela | E Indvuna yaMswati |
- (5)
- 2.7 Ngabe kuliciniso nobe liphutsa kutsi Somcuba ngumnakabo Mngayi? (1)
- 2.8 Ngabe kuliciniso nobe liphutsa kutsi Mswati wagcina ayincobile lemphi lekukhulunywa ngayo kuletheksthi? (1)
- 2.9 Bunjani budlelwane emkhatsini waMswati nebanakabo? (2)
- 2.10 Yini indzaba Sicobolonjwane abitwe ngaDzabulatinkhalo? (2)
- 2.11 Chaza kutsi emandla ekuncoba tonkhe letimphi abewatsatsaphi Mswati. (2)
- 2.12 Kwabangelwa yini kutsi Mawewe abekwe abe yinkhosi endzaweni yesive sakaMkhatshwa? (2)
- 2.13 Kwabangelwa yini kutsi Mswati afune kucolelana nebanakabo? (3)
- 2.14 Nika tifundvo tibe TINTSATFU lotifola kulenoveli. (3)
- 2.15 Catsanisa loku lokwenteka kulenoveli nesikhatsi lesiphila kuso. (3)
- 2.16 Chaza kutsi umbhali usivetele Tsandzile njengemlingisi lonjani? Sekela imphendvulo yakho. (3)

2.17 Letigameko letenteka kulenzaba tiyahambisana yini nesikhatsi letenteka ngaso? Sekela ngemaphuzu LAMATSATFU.

(3)
[35]

SAMBA SIGABA A: 35

NOBE

SIGABA B: UMDLALO

Phendvula indzabambhalo nobe imibuto lemifisha.

UMBUTO 3

LAHLOMA LADVUMA – Z Motsa

Ludvweshu kulomdlalo ngilo lolwenta lomdlalo utfufukele esicongweni seluvutfondzaba. Bhala indzabambhalo lenemagama langabi ngaphasi kwema-190 futsi angabi ngetulu kwalangema-240 ubhekise kulabalingisi labalandzelako:

- Madzandza
- Khetsiwe
- Vusabafwa
- Ndvukutemphi

[35]

NOBE

UMBUTO 4

LAHLOMA LADVUMA – Z Motsa

Fundza letheksthi lelandzelako bese uphendvula imibuto letawulandzela:

<p>KHETSIWE: (Abindze dvu. Atsi kumeba kancane ngeliso bese ubuka eceleni udla tingalo)</p> <p>TSEMBA: Khetsiwe mntfwanaketfu, kungatsi ngi ... ngi ... cala ngikubona kabusha kuto letinsukwana. Inhlitiyo yami ishaya ingoma yinye itsi, "Nangu losolo ngimfuna!" Khetsiwe, yami imphilo ngiyinikela etandleni takho, ngiyayidzela ngenca yanalu lutsandvo. Loku lengikuvako nami kungifakela lichwa ngoba kakufuni sakugigwa imitsetfo, timiso nemasiko. Kuvele kungidvonse ngemandla esishingishane kungiholele madvute nawe ntfombi yebafwa. (<i>Asondzele, eme emvakwakhe ambambe amsonge ngemikhono, amnamatselise esifubeni sakhe.</i>) Wena vele awungitsandzi, Khetsiwe?</p> <p>KHETSIWE: (<i>Agucukele ngakuye kodvwa angaphumi emikhonweni yakhe</i>) Jijimeza! utakutsi ngiyahlanya Vusabafwa. Nami angati kutsi kwentekani lakimi. Angati ngitsini, Mbiba! Angati!</p> <p>TSEMBA: Ngiphendvule kukunye nje.</p>

- 4.1 Ngumuphi umcimbi lobewulindvwe nguKhetsiwe ngembikwekutsi avumele Tsemba kutsi bachubeke ngetelutsandvo? (1)
- 4.2 Yini lebekufanele ayisho Khetsiwe kuTsemba? (1)
- 4.3 Shano kutsi lamaphuzu lalandzelako aliciniso nobe aliphutsa bese uyesekele kutsi usho ngani.
- 4.3.1 Tsemba abecinisile ngalamavi: "kungatsi ngi ... ngi ... cala ngikubona kabusha kuto letinsukwana". (2)
- 4.3.2 Khetsiwe abembita ngabomu Tsemba ngeligama laVusabatfwa. (2)
- 4.3.3 Tsemba wabadida bantfu baseMliba ngalendlela abekhuluma ngayo njengaVusabatfwa. (2)
- 4.4 Yini leyabangela Tsemba asome Khetsiwe kantsi unikiwe kutsi abe yindlovukati yakhe ngelilanga lesibhimbi? (2)
- 4.5 Hlobo luni lweludvweshu lolu lolusemkhatsini waKhetsiwe naTsemba? (2)
- 4.6 Chaza kutsi Khetsiwe limlandzele kangakanani libito lakhe. (2)
- 4.7 Sento saMadzandza sekunyanya ayewukhuluma naTsemba sibaveta banjani bantfu labasikati? Chaza. (2)
- 4.8 Yini leyabangela Ndvukutemphi angabutfoli bukhosi njengobe base bunikwa Tsemba? Bhala kube KUBILI. (2)
- 4.9 Bhala siphetho saNdvukutemphi nesisombululo senkinga yemtfwalo waMadzandza. (3)
- 4.10 Umnyakato walabalingisi labakuletheksthi lengenhla ubumbene kangakanani nenkhulumiswano yabo? Chaza. (3)
- 4.11 Ucabanga kutsi yini umbhali walomdlalo asebantise ludziwo kutsi kube ngilo intfo lenikwa liphovela lelikhetselwe bukhosi? (4)
- 4.12 Tetsamelilwati talomdlalo titfole siphilifundvo ngebungani baNdvukutemphi naQedizizwe? Chaza. (4)
- 4.13 Nguyiphi indzima leyadlalwa litulu lebelidvuma mhla kutfunjwa VusabaTfwa? (3)

[35]

SAMBA SIGABA B: 35

NOBE

SIGABA C: TINDZABA LETIMFISHANE

Phendvula indzabambhalo nobe imibuto lemifisha.

UMBUTO 5

LITSAMBO – EJ Mhlanga

Ngalesinye sikhatsi kuyenteka bantfu bakhohliswe tintfo letingeke tibasite. Fakazela nobe uphikise lamavi langenhla ngekubhala indzabambhalo uyibhekise endzabeni letsi "Litsambo".

Indzabambhalo ayibe nemagama langabi ngaphasi kwema-190 kodvwa angabi ngetulu kwalangema-240.

[35]

NOBE

UMBUTO 6

LITSAMBO – EJ Mhlanga

Fundza lethekesthi lelandzelako bese uphendvula imibuto letawulandzela:

"Msakati lotsandzekako"

Eluhlelweni lwakho, *KUHLE KETFU*, ngitsandza kufisela laba labalandzelako labashadako tilokotfo letinhle, Cynthia Ntfombi Mdluli lotawube ashada naPeter Mtingelwa Magagula. Umshado utawucala eholweni lesive eWitbank udzimate uphelele kabomkhwenyana eTjakastad. Lobafisela lokuhle konkhe ngimi dzadzewabomakoti, Beauty Mdluli. Ngitsi niphatsane kahle kepha nimcaphela wesitsatfu angangeni emkhatsini wenu.

6.1 Bekasebentaphi Peter longumlingisi kulenzaba?

- A Etjenilembube
- B EGalina
- C Eligugu

(1)

6.2 Inyuvesi yaseWestville ikuliphi lidolobha?

- A IseKapa
- B IseThekwini
- C IseJozi

(1)

6.3 Ngemuva kwalendumezulu yalomshado, letitsandzani betitlungiselele kuvakashela e ...

- A Kapa
- B Jozi
- C Thekwini

(1)

- 6.4 Ngubani libito leyise waPeter Magagula?
A NguMahlindza
B NguMlangeni
C NguMacalangendlala (1)
- 6.5 Lomshado bewungayiphi inyanga?
A NgaLweti
B NgeNkhwenkhweti
C NgaMabasa (1)
- 6.6 Umbhali walenzaba ubangelwa yini kunika lenzaba yakhe sihloko lesitsi 'KUHLE KETFU'? (2)
- 6.7 Yini leyabangela kwekutsi lomshado waPeter naCynthia wentiwe ngekusheshisa lokukhulu? (2)
- 6.8 Shano kutsi uyise waPeter wayemukela kanjani indzaba yekushada kwaPeter? (2)
- 6.9 Wena ucabanga kwekutsi umbhali walenzaba uyibhale wasibeka kuphi nenzaba sicongo/luvutfondzaba kulenzaba? (2)
- 6.10 Kukhona lokwenta lenzatzana ivakale inekungakholeki. Nika sigameko lesenta ingakholeki, ubuye usho kutsi usho ngani. (2)
- 6.11 Indlela Mahlindza latsatsa ngayo umbiko waPeter wekutsi sewukhulelise Ntfombi, beyimbikela kutsi kukhona lokungahambi kahle ngelutsandvo lwabo. Wena ucabanga kutsi beyiyini lena abebikelwa yona? (2)
- 6.12 BakaMagagula nabayowubika sisu saNtfombi yini lebeyifanele yentiwe nguMake waNtfombi? Chaza. (2)
- 6.13 Chaza sifundvo ummango losifundza lapha kulenzaba. (2)
- 6.14 Siphetho salenzaba ngabe siyifanele yini? Chaza. (2)
- 6.15 BoPeter naNtfombi bebangabanjwa sifo sengculazi. Vuna nobe uphikise lombono bese wesekela imphendvulo yakho. (3)
- 6.16 Ngekubona kwakho bekufanele yini kutsi make waNtfombi anike Ntfombi lesibongo sakaMdluli labembita ngaso? Chaza. (3)
- 6.17 Lesimo senkhulumo lesitsi 'Bucitseka Bugayiwe' sibumbene kangakanani naloku lokwenteka kulenzatzana? Chaza. (3)
- 6.18 Chaza incikitsi yalenzaba uyibhekise kuMahlindza naLomavundvo. (3)

[35]

NOBE

SIGABA D: TINKONDLO

Phendvula nobe nguyiphi imibuto lemibili:

UMBUTO 7

Fundza lenkondlo lengentasi bese uphendvula imibuto lengentasi.

- 1 Ngiva livi litsi anghaye,
- 2 Ngihaye ngigiye ngicephuke
- 3 Ngeliphimbo lelulwimi lwakitsi.
- 4 Ungangibuti kutsi njengoba
- 5 Ungangiva nje angikwititi ngani.

- 6 Mine ngibuta kutsi kungani ungangiva?
- 7 Iminyaka lengaka uhlala nami?
- 8 Mine ngilufundze njani lulwimi lwakho?
- 9 Yingoba ngihlakaniphile kakhulu kunawe?
- 10 Yingoba ngihlupheke kakhulu kunawe?

- 11 Ngieyeke ngikhulume ngelulwimi lwabokhokho bami,
- 12 Ngieyekeke ngigambute ngelulwimi lengiphupha ngalo,
- 13 Ngelulwimi lwelugcozi loluta kimi
- 14 Kwemagagasi elwandle,
- 15 Ngivuke ngitsi gelekece ebusuku
- 16 Ngive labalele bangilalelisa endlebeni.
- 17 Ngive ingoma levusa lusinga ingifundzekela.

- 18 Ngitsi ibuyile i-Afrika!
- 19 Sukuma mntfwanemlungu ufundze lulwimi lwami,
- 20 Lulwimi lwami nesisekelo lesingemasiko.
- 21 Lungisa tintfo sikhatsi sisekhona
- 22 Kute bakubuta kutsi
- 23 Kwa ... Kwente ... Njani ...?

7.1 Sitsini sihloko salenkondlo? (Khetsa imphendvulo kunati letilandzelako.)

- A Tati Kutsi Ungubani
- B Live ngeletfu
- C Ngiva Ingoma.

(1)

7.2 Bhala bunkondlo lobakhiwa ngulemisindvo ledvwetjelwe kulemigca yenkondlo lelandzelako.

Ngihaye ngigiye ngicephuke

- A Sifanangwaca
- B Sifanankhamisa
- C Sifutamsindvo

(1)

- 7.3 Ngabe bunkondlo buni lobutfolakala kulamagama ladvwetjelwe kulemigca yenkondlo lelandzelako.
Yingoba ngihlakaniphile kakhulu kunawe?
Yingoba ngihlupheke kakhulu kunawe?
- A Sifanangwaca.
B Luchumanosigcino.
C Sifutamsindvo. (1)
- 7.4 Ngulolunjani lulwimi lengiphupha ngalo?
- A Lulwimi lwekucala lwekwengeta.
B Lulwimi lwasekhaya.
C Lulwimi lwesibili lwekwengeta. (1)
- 7.5 Caphuna umugca lapho sonkondlo asebantise khona sifaniso kulenkondlo. (2)
- 7.6 Shano tindzawo tibe timbili lapho ungasebantisa khona lulwimi lwakho ukhululekile. (2)
- 7.7 Lapha emgcezi 16 sonkondlo utsi:
Ngive labalele bangilalelisa endlebeni. (2)
Ase usho kutsi bobani labalele.
- 7.8 Dwebela luhlobo lwesifanamsindvo bese usho neluhlobo lwalo.
Batakufundza bese bakukhetsela buwena. (½)
- 7.9 Caphuna umugca uwubhale phansi lapho sonkondlo asebantise khona sentakutsi. (2)
- 7.10 Nawubuka wena sonkondlo uyibhekise kubobani lenkondlo? (2)
- 7.11 Yini lekufanele ummango uyente ekutfufukiseni lulwimi lwawo. Bhala kube KUTSATFU. (3)
[17½]

NOBE

UMBUTO 8

Fundza lenkondlo lengentasi bese uphendvula imibuto letawulandzela:

LIVULANDLELA – TM Mongwe

- 1 Vulandlela laseMozambiki
- 2 Vulandlela lase-Afrika
- 3 Wayivula indlela kuvaliwe
- 4 Kwasa ebusweni beMozambiki
- 5 Tadzilika tintfongo emehlweni
- 6 Tashabalala tincwencwe lebetilel' ebusweni
- 7 Laphuma lilanga kaGasa.
- 8 Lashona lilanga ePutukezi.

- | | |
|----|---|
| 9 | Yasukuma yonkhe i-Afrika |
| 10 | Yema ngetinyawo yakushayela tandla |
| 11 | Yacina lidvolo labuya litsemba |
| 12 | Wavukuza kwemvukuzane Mavukuvuku |
| 13 | Wavukuza ladzimate lavela laNgungunyane |
| 14 | Lavela kamatima kungasimnandzi |
| 15 | Tilevu letinyeti tabhek' etulu |
| 16 | Tifela live lato. |
| 17 | Kwacitsa bukhatikhathi beKhabhorabhasa |
| 18 | Kwaba mnyama khwishi eveni lonkhe |
| 19 | Ungenile Mangena |
| 20 | Kwatsakasa boGogomkhulu |
| 21 | Batibona seabkhululekile esandleni saFaro |
| 22 | Kwadvuma timbayimbayi |
| 23 | Kwakhwehlela tinganono |
| 24 | Kwaba ngumtimba lobuhlungu. |

- 8.1 Shano kutsi loku lokulandzelako lokumayelana nenkondlo kuliciniso nobe kuliphutsa.
Lenkondlo ibongelela mengameli lomkhulu waseZimbabwe, Mugabe. (1½)
- 8.2 Yini livulandlela njengobe lisetjentiswa kulenkondlo. (2)
- 8.3 Sonkondlo ubatjelani nganangu umugca wenkondlo lolandzelako. Tadzilika tintfongo emehlweni. (2)
- 8.4 Sonkondlo ufuna kusitjelani nakatsi:
Laphuma lilanga kaGasa.
Lashona lilanga ePutukezi. (2)
- 8.5 Caphuna umugca lapho sonkondlo asebentise khona sentakutsi kulenkondlo lengenhle uwubhale phansi. (2)
- 8.6 Ligama lelitsi imvukuzane bekufanele yini kutsi lisetjentiswe kulenkondlo. Usho ngani? (2)
- 8.7 Yini lebangele kutsi i-Afrika isukume yonkhe njengoba sibona esitandzeni sesibili. (2)
- 8.8 Esitandzeni 3 sonkondlo usebentise simunfutisi. Sibhale phansi. (2)
- 8.9 Shano kutsi lenkondlo ikhuluma ngani. (2)
- [17½]**

NOBE

UMBUTO 9

Fundza lenkondlo lengentasi bese uphendvula imibuto letawulandzela:

- | | |
|----|--|
| 1 | Kusobala kutsi ninemahloni ngami. |
| 2 | Kuya ngani ningafuni ngiphume ekamelweni? |
| 3 | Kuya ngani ningitfukusa uma kunetivakashi? |
| 4 | Angitentanga kutsi ngibe sidalwa. |
| 5 | Ingabe nine anikadalwa yini seningibita ngentfo nje. |
| 6 | Sonkhe sidalwe nguMdali futsi sibantfu. |
| 7 | Nangelusuku lwekuyohola imali yami, |
| 8 | Imisebe yelilanga ayisawucabuli umtimba wami |
| 9 | Ngoba senihambela etulu niyoyidvonsa ebhange. |
| 10 | Nayo leyo mali ngiyigcina ngeliphunga nje. |
| 11 | Nitisikela kulelinonile mine ningiphe emajwabu nje. |
| 12 | Empeleni imali yami seyaba ngeyenu. |
| 13 | Nentiwa yini nibe nemahloni ngami ngiyingati yenu? |
| 14 | Nami ngiwenu, angisiso sitebhisi semphumelelo! |

- 9.1 Sitsini sihloko salenkondlo? (½)
- 9.2 Inkondlo lenesakhiwo lesifana nalesi salenkondlo kutsiwa yini? (Khetsa imphendvulo kunati letilandzelako.)
- A Yisonethi
B Yinkondlosililo
C Yisathaya (2)
- 9.3 Caphuna imigca ibe MIBILI lapho sonkondlo asebantise khona imibuto lengadzingi mphendvulo. (2)
- 9.4 Sifundvo sini ummango lekumale uwufundze kulokushiwo ngulenkondlo? (2)
- 9.5 Ucondzeni sonkondlo nakatsi:
Imisebe yelilanga ayisawucabuli umtimba wami. (2)
- 9.6 Usitjelani sonkondlo ngalomugca lolandzelako? (2)
Nayo leyo mali ngiyigcina ngeliphunga nje.
- 9.7 Hlobo luni lweluchumano lesilutfolela kunayi imigca lelandzelako?
Nayo leyo mali ngiyigcina ngeliphunga nje.
Nitisikela kulelinonile mine ningiphe emajwabu nje. (2)
- 9.8 Lenkondlo uyiva kutsi ikhuluma ngani? (2)
- 9.9 Yini longayentela lomuntfu lokhuluma lapha kulenkondlo? Bhala kube KUTSATFU. (3)

[17½]

NOBE

UMBUTO 10

Fundza lenkondlo lengentasi bese uphendvula imibuto lengentasi.

TATI KUTSI UNGUBANI – CD Masilela

- 1 Tati kutsi ungubani.
- 2 Uma ungayati indlela
- 3 Utawubutfwa ngito tonkhe tibi leti,
- 4 Ugucuke umtali ungakacini lukhakhayi,
- 5 Ugucuke likhehla nesalukati lesincane.
- 6 Ingani uyobe sewutse cwili etjwaleni,
- 7 Sewusigcili sayo yonkhe imiva.
- 8 Tati kutsi ushopheni ngoba
- 9 Uma ungalati likusasa lakho
- 10 Utawufanana nesihlahla lesomile emgwacweni,
- 11 Ugucuke Mazitapele.

- 12 Uma sewunguzitapele.
- 13 Uyobe sewehlulwe kutitsiba nekutati,
- 14 Uyobe wehlulwe kutati kutsi ungubani.
- 15 Tati kutsi ungubani ngoba
- 16 Batakufundza bese bakukhetsela buwena.
- 17 Ukuze ungalahlekelwa kutsi ungubani,
- 18 Tifunisise uze utati kutsi ungubani,
- 19 Ngoba uma ungatati kutsi ungubani,
- 20 Batawukhwela batehlele.

10.1 Kubangelwa yini kutsi sonkondlo anike lenkondlo sihloko lesitsi:

'Tati Kutsi Ungubani'?

(½)

10.2 Ngabe sonkondlo ucondze kutsini ngalengkulumo lengentasi:

Khetsa imphendvulo yinye kuleti letingentasi:

'Batawukhwela batehlele'

- A Batawukutsandza bonkhe.
- B Batawutentela nobe yini lebayitsandzako.
- C Batawukuyala.

(1)

10.3 Hlobo luni lweluchumano lolutfolakala kulemigca lengentasi?

Khetsa imphendvulo yinye.

Ugucuke umtali ungakacini lukhakhayi,
Ugucuke likhehla nesalukati lesincane.

- A Luchumanosicalo.
- B Luchumanosigcino
- C Luchumanomkhatsini.

(1)

- 10.4 Ucondze kutsini sonkondlo kulomugca longentasi?
Khetsa imphendvulo yinye.

'Ugucuke Mazitapele'

A Ugucuke sihlakaniphi.
B Bantfu batitsatsele.
C Ugucuke sintjontji. (1)
- 10.5 Ngemaphuzu LAMABILI bhala lokushiwo inkondlo. (2)
- 10.6 Ngemaphuzu LAMABILI bhala umoya walenkondlo. (2)
- 10.7 Sinongo sini senkhulumo lesi lesitfolakala emgceci welishumi?
Khetsa imphendvulo yinye.

A Sifaniso
B Kumuntfutisa
C Inhlonipho (1)
- 10.8 Dvwebela luhlobo lwesifanamsindvo bese usho neluhlobo lwaso.

'Batakufundza bese bakukhetsela buwena.' (2)
- 10.9 Sitfombe sini lesakhiwa ngulomugca kulona lofundzako?

'Ugucuke likhehla nesalukati lesincane' (2)
- 10.10 Yini loyifundzako ngalomugca longentasi:

'Tifunisise uze utati kutsi ungubani,' (3)
- 10.11 Bunkondlo buni lobutfolakala emagameni ekugcina emigceci 17, 18, na 19. (2)
[17½]

SAMBA SIGABA D: 35

SAMBA: 70